

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA TANO

03 FEBRUARI, 2020



ORODHA YA SHUGHULI ZA LEO

MKUTANO WA KUMI NA NANE

KIKAO CHA TANO – TAREHE 03 FEBRUARI, 2020

I. DUA:

II. HATI ZA KUWASILISHA MEZANI:

WAZIRI WA FEDHA NA MIPANGO:

Taarifa ya Mwaka ya Benki Kuu kwa Mwaka 2018/2019 (*The BoT Annual Report for the year 2018/2019*).

MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:

Taarifa ya Kamati ya Kudumu ya Bunge ya Ardhi, Maliasili na Utalii kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:

Taarifa ya Kamati ya Kudumu ya Bunge ya Kilimo, Mifugo na Maji kuhusu Shughuli za Kamati kwa Mwaka 2019.

III. MASWALI:

OFISI YA WAZIRI MKUU:

51. MHESHIMIWA NAGHENJWA LIVINGSTONE KABOYOKA (SAME MASHARIKI):

Atamuuliza Mheshimiwa Waziri Mkuu:- Kata za Bendera na Makanya zina jasi nyingi na jasi inaweza kutoa malighafi kutengeneza *Gypsum Boards*, mabomba ya maji machafu, Saruji, POP na mbolea:-

Je, Serikali ina mpango gani wa kusaidia kupatikana kwa Mwekezaji ili aanzishe Viwanda hivyo katika maeneo hayo ya Wilayani Same.

OFISI YA RAIS (TAMISEMI):

52. MHESHIMIWA SHABANI OMARI SHEKILINDI (LUSHOTO):


Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi wa Wilaya ya Lushoto wamejitahidi kujenga maboma mengi ya Maabara lakini mpaka sasa Serikali haijawaunga mkono:-

Je, Serikali ina mpango gani wa kuunga mkono juhudi hizo za Wananchi kwa kumalizia maboma haya.

53. MHESHIMIWA EDWIN MGANTE SANNDA (KONDOA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Maboma mengi ya Maabara kwenye Shule za Sekondari za Kata nchini hayajakamilika na hata pale yanapokamilika hakuna Vifaa vya Maabara na tunahitaji sana Wanasayansi kuelekea uchumi wa Viwanda:-

- (a) Je, Serikali ina mkakati gani wa kukamilisha Maabara hizo na lini zitakamilika;
- (b) Je, ni lini vifaa vitapelekwa katika Maabara zilizokamilika.



WIZARA YA KILIMO:

54. MHESHIMIWA MUSUKUMA JOSEPH KASHEKU (GEITA VIJINI):

Atamuuliza Mheshimiwa Waziri wa Kilimo:-

Je, kwa nini Serikali inahamasisha kilimo cha Pamba kwa Wananchi huku ikiwa haina uwezo wa kupeleka dawa za kuulia wadudu na zinapopatikana huwa ni chache.

55. MHESHIMIWA DKT. PUDENCIANA WILFRED KIKWEMBE (KAVUU):

Atamuuliza Mheshimiwa Waziri wa Kilimo:-

Je, Serikali inasema nini juu ya ucheleweshwaji wa pembejeo za kilimo hasa mbegu na mbolea ambazo huwasababishia Wakulima hasara.

WIZARA YA ULINZI NA JESHI LA KUJENGA TAIFA:

56. MHESHIMIWA MUHAMMED AMOUR MUHAMMED (BUMBWINI):

Atamuuliza Mheshimiwa Waziri wa Ulinzi na Jeshi la Kujenga Taifa:- Askari wa JWTZ wamekuwa wakiwapiga na kuwanyang'anya wavuvi mali zao:-

Je, Serikali inatoa tamko gani kuhusiana na manyanyaso hayo.

WIZARA YA ARDHI, NYUMBA NA MAENDELEO YA MAKAZI:

57. MHESHIMIWA JOSEPH LEONARD HAULE (MIKUMI):

Atamuuliza Mheshimiwa Waziri wa Ardhi, Nyumba na Maendeleo ya Makazi:-

Je, ni lini Serikali itafuta umiliki wa mashamba pori ya muda mrefu ya *Mauzi Estate*, *Miyombo Estate*, *Sumagro Estate* na *Kisanga Estate* (Iyovi *Estate*) yaliyopo kwenye Kata za Tindiga, Masanze, Kilangali na Kisanga na kuyagawa kwa Wananchi wanyonge ili waweze kupata maeneo hayo wanayoyahitaji ili kufanya shughuli mbalimbali za kujiletea maendeleo.

WIZARA YA NISHATI:

58. MHESHIMIWA DKT. RASHID MOHAMED CHUACHUA (MASASI):

Atamuuliza Mheshimiwa Waziri wa Nishati:- Mkoa wa Mtwara una jumla ya Vijiji 869 na Vitongoji 1826; jumla ya Vijiji 372 vimethibitishwa kupatiwa umeme na kufanya Vijiji vitakavyosalia kuwa 497 sawa na wastani wa 23.6% ya utekelezaji wa huduma kwa kila Wilaya ndani ya Mkoa:-

- (a) Je, Serikali ina mpango gani wa kutekeleza miradi ya REA katika Mkoa huo;
- (b) Kwa Mwaka wa Fedha 2018/2019 Halmashauri ya Mji wa Masasi ilitengewa Vijiji saba tu kati ya Vijiji 31. Je, ni lini Vijiji vilivyobaki vitapatiwa umeme.

59. MHESHIMIWA HALIMA ABDALLAH BULEMBO (VITI MAALUM):

Atamuuliza Mheshimiwa Waziri wa Nishati:-
Katika viwango vya kidunia vya umeme vile ambavyo tunavyofuata, kuna mabadiliko ya rangi za nyaya za umeme yaliyotokea tangu mwaka 2004 kwa nchi yetu ya Tanzania:-

Je, mabadiliko hayo yanafahamika kila mahali.

WIZARA YA AFYA, MAENDELEO YA JAMII, JINSIA, WAZEE NA WATOTO:

60. MHESHIMIWA ANNE KILANGO MALECELA (KUTEULIWA):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-
Vifo vitokanavyo na uzazi na vifo vya Watoto Wachanga bado ni tatizo nchini:-

Je, Serikali inafanya jitihada gani kupunguza na ikiwezekana kuondosha kabisa vifo hivyo.

61. MHESHIMIWA HAWA SUBIRA MWAIFUNGA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-
Ugonjwa wa Mguu Kifundo unatibika katika Hospitali ya Rufaa Kitete – Mkoani Tabora

ambapo hupokea zaidi ya Watoto 40 wenye tatizo hilo kila Mwezi:-

- (a) Je, Serikali ina mpango gani wa kupeleka vifaa vya kutosha kama vile *POP*, bandeji, pamba, kiatu na gongo-pinde ili kusaidia Watoto hao;
- (b) Kutokana na ukubwa wa tatizo hilo kwa Watoto Mkoani Tabora na familia nyingi hazina uwezo wa kufika Hospitali kupata huduma; Je, Serikali ina mpango gani wa kusaidia ili Watoto wengi zaidi waweze kupata huduma hiyo.

WIZARA YA MAJI:

62. MHESHIMIWA ORAN MANASE NJEZA (MBEYA VIJIJINI):

Atamuuliza Mheshimiwa Waziri wa Maji:-
Halmashauri ya Mbeya ina upungufu mkubwa wa maji karibu kwenye Vijiji zaidi ya 153 na hasa katika Kata ya Mjele:-

Je, Serikali ina mpango gani wa kupeleka maji kwenye Vijiji hivyo na hasa Vijiji vya Mjele, Chang'ombe na Ipwizi.

WIZARA YA UJENZI, UCHUKUZI NA MAWASILIANO:

63. MHESHIMIWA ALLAN JOSEPH KIULA (IRAMBA MSHARIKI):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara itokayo Iguguno – Nduguti – Sibiti hadi Meatu ni kiungo muhimu cha Mikoa ya Singida na Simiyu:-

Je, ni lini Serikali itajenga kwa kiwango cha lami barabara hiyo hasa ikizingatiwa kuwa kazi kubwa ya ujenzi wa Daraja la Sibiti imekamilika.

64. MHESHIMIWA AUGUSTINE VUMMA HOLLE (KASULU VIJIJINI):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini ujenzi wa barabara ya Kasulu Mjini hadi Kibondo utaanza.

WIZARA YA MAMBO YA NJE NA USHIRIKIANO WA AFRIKA MASHARIKI:

65. MHESHIMIWA TASKA RESTUTA MBOGO (VITI MAALUM)

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:-

Watanzania wengi wanaoishi nje ya nchi wamejikuta ni raia wa nchi wanazoishi kwa sababu mbalimbali ikiwemo kazi lakini si kwamba hawaipendi Tanzania:-

Je, Serikali ina mpango gani wa kuwatambua Watanzania waliochukua uraia wa nchi nyingine ili waweze kukuza uchumi wa nchi na kusaidia ndugu zao.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:

Kwamba, Bunge sasa lipokee na kukubali Taarifa ya Kamati ya Ardhi, Maliasili na Utalii kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Kilimo, Mifugo na Maji kuhusu Shughuli za Kamati kwa Mwaka 2019.

**DODOMA
03 FEBRUARI, 2020**

**S. KAGAIGAI
KATIBU WA BUNGE**